



partii naleraq

UPA 2017/041-01

09.05.2017

Meeqqat atuarfianni fagini tamani akunnernut ilinniartitsiviusussanut minnerpaaffiliinissaq anguniarlugu inatsimmut atuuttumut allannguutissatut siunnersuummik saqqummiussinissamut Naalakkersuisut peqquneqarnissaannut inatsisartut aalajangiiffigisassaatur siunnersuut. Inatsisip allanngortinneqarneranittaaq akullerni atuartuniit tuluttut danskisullu akunnerit ilinniartitsiviusut amerlaqatigiilernissaat qulakkeerneqassaaq. Allannguut aggustimi 2020-mi atuutilissaaq.

(inatsisartuni ilaasortaq Mimi Karlsen, Inuit Ataqatigiit).

Inatsisartunut ilaasortap Mimi Karlsen-ip Inuit Ataqatigiinneersup siunnersuutaa meeqqat atuarfianni fagini tamani akunnernut ilinniartitsiviusussanut minnerpaaffiliinissaq anguniarlugu inatsimmut atuuttumut allannguutissatut siunnersuummik saqqummiussinissamut Naalakkersuisut peqquneqarnissaannut inatsisartut aalajangiiffigisassaatur siunnersuuta, tassa inatsisip allanngortinneqarnerani akullerni atuartuniit tuluttut danskisullu akunnerit ilinniartitsiviusut amerlaqatigiilernissaat qulakkeerneqassasoq Partii Naleraq sinnerlugu imannak oqaaseqarfigissuarput.

Soorunami kommunit meeqqat atuarfiannut akisussaasuunerat sumiiffinnilu pisariaqartitsineq unammilligassallu toqqammavigalugit aaqqiissuteqartarnerat ataqqivarput.

Taamaakkaluartoq inatsimmik allanngortitsisinnaanerup oqalliseqataaffiginissaa Partii Naleqqamiit nangaanartoqartinnilarput, tassami suulluunniit pissutsit inuiaqatigiinnut pitsaanerumik ajunnginnerumillu sunniuteqarsinnaanerat soqutinartittuaannaratsigu.

Taamaammat siunnersuutip susassaartut tamaasa, pingaartumik susassaqarfimmi akisussaasut, tassa kommunit sumiiffinni pisariaqartitsinerit unammilligassallu toqqammavigalugit atuartitsinernik aaqqiissuteqartarnerisa oqallisigilluarnissaa pingaartittorujussuvarput.

Uagut isumaqarpugut tuluit oqaasiisa meeqqat atuarfiini takornartat oqaasiisut pingaarnertut atuartitsissutigineqarnissaat pingaartinneqarnerusariaqartut, tassami nunarsuup annersaani attaveqatigiinnerni oqaatsit taakku amerlanertigut atorineqartarmata.

Tuluttut atuartitsinermi ilinniartitsisussaaleqisarneq miserratigineqarsinnaanngilaq, kisianni soormi naggueqativut suleqatiginerusinnaanngilagut ? tassami isumaqarpugut ilinniartitsisussaaleqineq pissutiginnarlugu alloriaqqinnaveersaartariaqanngitsugut.

Isumaqarpugut nassaarsiornerunikkut ammanerusumillu pissutsit oqallisiginerusariaqarivut susassaqtut tamaasa peqataatinnerisigut ingerlariaqqittariaqtugut.

Taama naatsumik oqaaseqarluta siunnersutip aappassanneerneaqannginnerani kulturimut ilinniartitaanermut, ilisimatusarnermut, ilageeqarnermullu ataatsimiititaliami suliarineqarnissaa inassutingaarput.

Anthon Frederiksen